

45. **Epidendrum Wercklei** Schltr., nov. spec.

Ramosum, epiphyticum; caulibus primum ancipitibus demum teretiusculis, glabris, bene foliatis, vaginis foliorum arcte amplectentibus ancipitibus omnino obtectis; foliis erecto-patentibus ligulatis obtusis, glabris, textura coriaceis, 4—6,5 cm longis, medio fere 0,8—1,2 cm latis; panícula effusa multiflora, usque ad 15 cm longa, pedunculo ramulisque ancipitibus vaginulis paucis dissitis ancipitibus obsessis; floribus exsiccatione flavidis; sepalis patentibus oblongo-ellipticis obtusis, c. 0,6 cm longis, lateralibus paulo obliquis; petalis oblanceolato-spathulatis valde obtusis, glabris, sepalis aequilongis, textura crassiusculis; labello e basi lineari-unguiculata columnae adnata in laminam circuitu ovatam quinquelobatam dilatato, lobulis vel potius dentibus irregularibus paucis inter lobos laterales interjectis, lobis lateralibus ligulatis interdum inaequaliter excisis, lobo intermedio lanceolato acuto, lateralibus paululo majore, carinis 2 longitudinater e basi laminae usque ad basin lobi intermedii decurrentibus, carinula tertia brevi e basi usque infra apicem lobi intermedii, lamina (i. e. labello ungue excepto) 0,3 cm longa, infra medium subaequilata, apicem petalorum attingente; columna brevi crassiuscula, clinandrio dorso bilobato, lateribus crenulato; ovario breviter pedicellato clavato, glabro, c. 0,6 cm longo.

Costa-Rica: Bei La Palma, c. 1500 m ü. d. M. — C. Werckle no. 16419; blühend im Oktober 1902.

Die vorliegende Art gehört in die Gruppe der *Planifolia paniculata*, steht aber daselbst infolge der merkwürdigen Form des Labellums ziemlich isoliert da.